

Ministarstvo za obrazovanje, nauku i mlade Kantona Sarajevo (u daljem tekstu: Ministarstvo) i akademije i fakulteti Univerziteta u Sarajevu, *zaključuju*

MEMORANDUM O SARADNJI

Član 1.

Zaključivanje ovog memoranduma vrši se na osnovu predviđenih programskih aktivnosti Ministarstva i fakulteta i akademija Univerziteta u Sarajevu i to: Akademija likovnih umjetnosti, Muzička akademija, Fakultet sporta i tjelesnog odgoja, Filozofski fakultet, Prirodno-matematički fakultet, Pedagoški fakultet, Fakultet islamskih nauka i Katolički bogoslovni fakultet (u daljem tekstu: Nastavnički fakulteti i akademije).

Član 2.

Saradnja koja je predmet ovog memoranduma ima za cilj:

1. provođenje stručnog usavršavanja odgajatelja i nastavnika u osnovnim i srednjim školama na području Kantona Sarajevo;
2. analizu i izradu programa u predškolskim ustanovama, i analizu nastavnih planova i programa za osnovne i srednje škole;
3. predlaganje mjera za unapređenje nastavnog procesa u predškolskim ustanovama, osnovnim i srednjim školama.

Za aktivnosti iz stava 1. ovog člana sklopit će se posebni sporazumi između Nastavničkih fakulteta i akademija i Ministarstva, koji će regulisati prava i obaveze istih, planove rada i finansijske planove kao i osnove završetka povjerenih poslova kao i obaveze direktora i stručnih aktiva škola i predškolskih ustanova vezanih za ova pitanja.

Član 3.

Aktivnosti iz člana 2. ovog memoranduma provest će Nastavnički fakulteti i akademije u saradnji sa Ministarstvom, predškolskim ustanovama, te osnovnim i srednjim školama na području Kantona Sarajevo.

Član 4.

Ministarstvo i Nastavnički fakulteti i akademije su saglasni da Ministarstvo odredi jednu kontakt osobu u okviru Ministarstva, a Nastavnički fakulteti i akademije po jednu kontakt osobu u okviru akademija i fakulteta.

Član 5.

Osobe iz člana 4. ovog memoranduma ispred Nastavničkih fakulteta i akademija, obavezne su uspostaviti neposrednu saradnju sa predstavicima predškolskih ustanova i rukovodiocima stručnih aktiva u osnovnim i srednjim školama u cilju ostvarivanja saradnje koja je predmet ovog memoranduma.

Osoba iz člana 4. ovog memoranduma ispred Ministarstva obavezna je koordinirati aktivnosti vezane za saradnju sa Nastavničkim fakultetima i akademijama, predstavnika predškolskih ustanova i stručnih aktiva osnovnih i srednjih škola i Ministarstva.

Član 6.

Potpisnici ovog memoranduma su saglasni da se stručno obrazovanje odgajatelja i nastavnika provodi, u pravilu, u januaru i junu.

Potpisnici memoranduma su saglasni da će dogovoriti drugi termin, ukoliko nije moguće ispoštovati termine iz stava 1. ovog člana, uvažavajući objektivne okolnosti i mogućnosti svih učesnika u postupku organiziranja stručnog usavršavanja odgajatelja i nastavnika.

Član 7.

Potpisnici memoranduma su saglasni da Nastavnički fakulteti i akademije, škole i vrtići u cilju provođenja saradnje koja je predmet ovog memoranduma stavljaju na raspolaganje prostor, opremu i potrošni materijal kao vid participacije u provođenju saradnje, pod uslovom da se ne remeti odvijanje nastavnonaučnog procesa i ostalih aktivnosti istih.

Član 8.

Potpisnici ovog memoranduma su saglasni da će se za sve oblike saradnje utvrđene ovim memorandumom obezbjediti finansijska sredstva iz izvora Ministarstva, predškolskih ustanova, osnovnih i srednjih škola ili kotizacije učesnika, te sačiniti finansijski plan sa svim elementima vezanim za svaki oblik saradnje, u skladu sa odobrenim sredstvima u Budžetu Kantona Sarajevo.

Član 9.

Potpisnici memoranduma su saglasni da sporazum iz člana 2. stav 2. ovog memoranduma čini:

- određivanje oblika saradnje za koji se sklapa sporazum (kontinuirano stručno usavršavanje, permanentno obrazovanje ili cjeloživotno učenje, analiza i izrada Nastavnih planova i programa, utvrđivanje prijedloga mjera za unapređenje nastavnog procesa u osnovnim i srednjim školama, kao i odgojnog procesa u predškolskim ustanovama);
- oblik rada (seminari, radionice i sl.);
- izrada plana i programa kontinuiranog stručnog usavršavanja uz napomenu da, minimalni obim nastavnih sati programa kontinuiranog stručnog usavršavanja bude 10 nastavnih sati u toku jedne školske godine, od čega su 2 sata edukacije iz oblasti inkluzije;
- jedan nastavni sat je u trajanju od 60 minuta;
- cijena edukacije u trajanju od jednog nastavnog sata za jednu grupu nastavnika iznosi 100,00 KM, bruto iznos;
- jedna grupa nastavnika broji minimalno 40 nastavnika, izuzetno može brojati i manji broj nastavnika u zavisnosti od vrste stručne edukacije;
- usaglašeni nastavni plan i program usvajaju Vijeće Fakulteta i Vijeće škole, a iste sačinjavaju odsjeci/katedre Fakulteta i stručni aktivisti škola i predškolskih ustanova;
- akademsko osoblje Nastavničkih fakulteta i akademija, a po potrebi i studetni III. ciklusa studija, provode nastavne aktivnosti vezane za stručno usavršavanje odgajatelja i nastavnika u osnovnim i srednjim školama;
- plan rada kontinuiranog stručnog usavršavanja u svim segmentima (priprema, koordinacija, realizacija programa, mjere, prostor i sl.);
- donošenje finansijskog plana potrebnog za organizaciju, realizaciju ovih aktivnosti sa jasno određenim parametrima (sredstva Ministarstva, predškolskih ustanova škola, kotizacija i sl.), cijenom časa u netto i brutto iznosu;
- vrijeme i mjesto održavanja kontinuiranog stručnog usavršavanja.

Član 10.

Potpisnici ovog memoranduma su saglasni da će se za svaki oblik kontinuiranog stručnog usavršavanja polaznicima izdati Certifikat koji potpisuju Dekan Fakulteta/akademije i Ministar.

Član 11.

Ovaj memorandum sačinjen je u 8 (osam) primjeraka od kojih svaka strana zadržava po 1 (jedan) primjerak.

Član 12.

Memorandum stupa na snagu danom potpisivanja, a Memorandum o saradnji, broj: 11-01-38-20596/16 od 6.6.2016. godine se stavlja van snage.

Nastavnički fakulteti

1. Akademija likovnih umjetnosti

Dekanesa: Prof. in. Marina Finci

2. Muzička akademija

Dekan: Prof. dr. Senad Kazic

3. Fakultet sporta i tjelesnog odgoja

Dekan: Prof. dr. Nusret Brajčević

4. Filozofski fakultet

Dekan: Prof. dr. Salih Foca

5. Prirodno-matematički fakultet

Dekan: Prof. dr. Mustafa Memić

6. Pedagoški fakultet

Dekan: Prof. dr. Fatih Destović

7. Fakultet islamskih nauka

Dekan: Prof. dr. Zuhdija Hasanović

8. Katolički bogoslovni fakultet

Dekan: Prof. dr. Darko Tomasević

Ministarstvo za
obrazovanje, nauku i mlade
Kanton Sarajevo

Prof. dr. Ervin Kazazović

Broj: 11-01-38-20596-1/16
Sarajevo, 20.1.2017. godine